



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita, Et Gestis S. Francisci Xaverii È Societate Iesv
Indiarvm Apostoli Libri Qvatvor**

Bartoli, Daniello

Lvgdvni, 1666

44. Xauer. robur in vitæ periculo.

urn:nbn:de:hbz:466:1-10854

pelli, admonente, si Bonzij habitu non prohiberetur, iussurum quoque caput ei abscondi.

44 Extrusi aula ignominiosè fors, Fucarondoni, Bonziorum gentem susdèque euertit: templo ocludere, cœnobii nullum admittere; reicere oblata munera, sacrificiis abstinere; urbem execratiſſimam, religiones temeratas, profanatam aulam, populum, omnia clamant; vociferantur audax Regis consilium, non esse Fucarondoni dedecus, sed contemptum Deorum; ad Deos prouocant, & Deos appellant publici sacrilegij vindices, iamque nihil propius aberat, quam ut sensu nimium acuto suarum superstitionum percitus populus arma corriperet, nisi Rex clade Amangucciana etiamtum caleste, ac Bonziorum nota perfidiæ cautor, crescentes motus prouide compresſisset: Lusitani tamen contra vim populi, Regis præſidio parum tuti, si fortè à Bonziis efferati ciues, aggrederentur Fucarondonum in eos vlcisci, optimum factu inter se iudicarunt, in nauim fese recipere, & primis flatibus vela dare, utque id probaret Xauerius, & secum veniret plurimum rogarunt, sed negante illo se vlla ratione, fugientis in morem Funao exiitum, soli abire statuerunt: conscientia iam naui, en illos acer sollicitat metus pro vita sancti Patris, quam sua carius diligebant, & accidente pudoris macula, quam essent in Indiam relaturi si desertum in eo discrimine reliquissent, communī consensu discessum differunt, mitiūque interea qui omnium nomine, precibus, & rationibus extorquere ex illo contendet ut periculo subducere sese, ex quo tanti sperare nihil posset, quod esset vita eius emendum: placuit omnibus ipsomet à Praefecto Odoardo Gama id munus obiri, ut viri auctoritas, adderet petitioni pondus. Pergit, urbem percurſat, de illo inquitat, demumque angustis in ædibus, cum octo neophytis reperit, qui prompti animo vnam quæcumque incidet, cum eo fortunam experiti, diuelli ab eius latebre nolebant: hic illi quæ suus in ipsum singularis dictabat affectus cum suorum votis, ac infimis precibus exponit; præsens præcepſque periculum ingerit, terret vehementer, ne proditio Bonziorum, & seditio populi conceptum in omnes Lusitanos, in illo uno fuorem expleret; spreuit hanc velut terriculam vir sanctus, nec inflæcti valuit ut excederet Funao, & nouos in Christo filiolos, paterno destitueret oculo & manu. Nec erat profectò vastum illud Xauerij peccus angustiarum illarum capax, ut qui Iaponiam per tot deliberatas mortes petiſſet, tunc vi-
tae affectu è Iaponia fugeret, nam quale id sociis exemplum generosi, Deoque confisi roboris futurum fuſſet, ab eo præsertim, à quo toties audiffent, secum ex Europa tanquam pignus carissimum illud à sancto suo Patre, ac Magistro Ignatio hæreditarium tulisse, hominibus de Societate conuerſioni hominum destinatis, nihil esse granis-

44

Xauer. robuz
in vitæ peri-
culo.

Dd timori

timoribus propriis timendum. Bonzij vero quorum audacia tam imprudenter præsentem lacerabat, quas non strophas in eum absentem, & commentari, & ausuri? quantoque Religionis veræ dedecore? prostratum à Eucarondono lucem deuitare; primo vietum confitatu, alterius aleam timuisse, ignominiam alteram probrumque fugisse, præter quæ fuit & alia ratio Funaj fortiter consistendi, & hanc verbis ipius referto, vt ex ore Odoardi Gamae excepta, & scripta est [Esset, inquit, mi Domine, ac frater! esset o utinam! tam fœlix mea fors, & hoc mihi daretur promererri, quod tu calamitosum vocas, pro Christo mori! foret hic beatitatis meæ apex. Sed tam immercensem tantum boni non decet, ne tamen illo, culpa mea siam indignior, neque ego ad nauim, neque hinc omnino abiero, tametsi non essem ea fuga Christianitatem hanc teneram turpiter offensurus, nam si quod docui tam malignè ipse præstitero, (ist hæc exempli vis) ansam iis dedero, fallendi perfidè, quam obligarunt Deo fidem, cum me professi muneris viderint desertorem: si enim te nauio vectorum tuorum, iure censes obstringi, ad prohibendam ab iis iniuriam, eosque in tutum nauii colligendos; Ego officij, haud paulò grandioris sanctioribus vinculis auëtoratus, refugiam, scilicet pro illo tam bono, & clementi Deo lubens mori, qui pro me in cruce moriens, vitam mihi sua morte immortalem emit, & has sanguinis reponendi quibus illi tenemur vices mortalibus omnibus prædicauit;] hac tam constanti generositate Præfectus optimus adeò motus est, penitusque mutatus, vt suasionibus abiectis quibus institerat, decreuerit ipsem, iisdem se casibus cum sancto Patre permittere, flocci pendens opulentæ nauis, vitæque discrimen. Mente in hanc partem fortiter obfirmata, redit Gama ad suos, consilium vocat mercatorum, & militum; sancti Patris mentem exponit, ac suam; si qui ab eodiversa sentient, & optarent, cum datae fidei religione teneantur, eos Cantone Sinarum in portu sistere; edicit palam se nauim liberè omnino iis tradere, nihil ei nautarum, nihil nauarchorum, aut militum deesse; irent Deo duce, quo vellent, se recta Funaium reuerti, paratissimum in utrumque, cum P. Magistro Francisco, seu mori, seu viuere. Mirum! nemo unus in tanto numero diuersa censuit. Finitque omnium yna vox cum sancto viro permansuros. Imò etiam quod nauim, subitarios assultus veriti Figenisi ex portu in maris ostia distulissent, eam loco priori restituant, paucisque in ea relictis, ne prorsus incustodita videretur, cum Præfecto omnes in urbem redeant: triumphare hic gaudio Christiani, stupere populus, homulum primo aspectu vilem, & egestate aspernandum, suis esse adeò pretiosum, vt eius gratia non dubitarent caput periculis, mortique obicere. Bonziis autem qui

ex Lu

ex Lusitanorum fuga, triumphalia sibi decreuerant; verba, fastuſque detumere, viderique hoc in urbem eorum regressu tacitam iterari prouocationem: collectis nihilominus animis eorum aliqui ad Regem conueniunt, rogam interceptam cum Fucarondono concertationem integrari. Petitioni Rex non ægrè annuit, dumtaxat his legibus vtrinque obſeruandis. Prima ut argumentis & rationibus, non clamore, & conuictiis pugnaretur; altera vteruis conuictus fuisset, superatum se fassus, placide manus daret; eorum approbatio qui aderent, pro victoria iudice haberetur; sicubi aliquid restaret dubij, qui plura ferret suffragia, vinceret. Tertia ut esset cuius liberum legem amplecti Christianam, nec cuiquam propterea Bonzij negotium facerent. Quarta denique ut tum argumenta, tum solutiones non laciniosa, & erranti oratione vagarentur, sed formata pressaque stringerentur, peccantes in hac parte emendarentur ab arbitris, quorum etiamius foret capita ponere de quibus esset inter disputantes querendum. Non placuere Bonzii hæ leges; enimvero indignum videri homines laicos de sacris ferre sententiam, sed Rege nihil eorum querelis deferente, nec pugnæ copiam aliis coniunctionibus annuente, patienter illas admisere: tempus in diem posterum dicitur; hora mane diei; campus regiæ aula; indices descripto numero sapientissimi, grauissimique nobilium.

45 Adeſt igitur ad condicuum Fucarondonus longam trahens ceteram Bonziorum, militari, quam disputatrii proprietem; Rex sibi prudenter metuens, quatuor admissis, cæteros palatio exclusit, aiens fore illis opprobrio, si tantus in unum explicaretur exercitus. Secutus Bonzium Xauerius vetare non potuit quin sibi splendido comitatu aderent Lusitani, margaritis auróque vestium; officiorum & munierum partibus, ac personis, & partæ denique aulæ pompa sanctum Patrem cingentes, quem nisi de genibus, & aperito capite non alloquebantur, sic per medios Bonzios scse in regiam contulit, disrumpente illos inuidia, cum ad eum videndum concursus ciuium plebisque cernerent, audirentque mutata iam mente inter se querere, hiccine ille est, mendicus, egens, fame ac miseriis confectus, quem nostri nobis deformant Bonzij? vtinam par huic fortuna, nostros liberos mancat, & de iis Bonzij peiora etiam quam de illo latrent, vruntur inuidia; sed huic honori quid opponant? quo illum sui, nobilissima, & fortissima natio, afficiunt: ferme idem, illo regiam intrante Rex ipse prospiciens accedentem, recoluit, quod ei sèpius insusurraverant Bonzij, conspecto Xauerio subsultaturum ei nausea stomachum: nec dissimulauit aulicis pudorem præbitæ nugis tam stolidisfidei. Postremo etiam de illo ea vidit, audiuitque Fucarondonus, ut velut syderatus, Bonzii quatuor sociis immurmuraret, præfigere sibi animum grande

Iterata com
Fucarondon.
disputatio.

D d 2 aliquod